



高  
密  
縣  
志

昌邑黃恩濤書





續修高密縣志序

二十六

余督修平原志既成旋奉令調署高密適高密亦有續修邑志之舉前任余君未及竣事而去余接篆後於簿書之暇閱其志目並爲修明探討參互考訂付之剞劂以竟其功焉密人士請序於余余謂志者史類也自採風廢而輜軒無聞一邑土地之廣狹風俗之美惡人物之盛衰作史者欲有所考稽則惟志書是賴志之所繫亦重矣密在昔爲大禹所封國春秋爲萊之夷維實生晏子兩漢鄭氏一門人才極盛尙書以直諫著康成以經神稱其他忠臣孝子義夫貞婦後先接踵不可勝紀境內雖無名山大川而五龍膠水滌流環抱秀氣所鍾人文蔚起高密古稱盛地良有以也今

高密縣志

卷之首

曹序

一

青島膠東書社承印

者時和年豐而余適至得與密人士考古論今從事修志是余與密人士之幸而亦守土者之責也周禮職方氏掌天下之圖以掌天下之地辨其邦國都鄙人民與其財用九穀六畜之數要周知其利害志書於一邑之事記載尤爲詳盡輿地山川可以知其要塞之所在職業生活可以知其民生之榮瘁學校禮俗藝文可以知其文物制度之廢興凡志書所載蓋無一不與治道有關也雖有清末葉德軍據城橫遭蹂躪民國二十餘年來又數遭兵燹私家著述官府冊籍不無散佚徵文考獻於斯爲難然人物之出處與夫節義文章之顯晦苟有可傳之實雖代遠年湮亦終不可磨滅况前志修於清光緒丙申距今四十年欲問其事而遺老未盡

數十年間之事不難泚筆而書也余既喜其書之成爲弁數言以誌顛末

中華民國二十四年冬十二月署理高密縣縣長曹夢九序

高密縣志

卷之首

曹序

二

青島膠東書社承印

前志舊序

余不佞壬寅之春承乏高密時未出都門候者至廼候者類伺之人不足問俗而境內圖籍復一無所將凡邑之山川土田風俗人物與夫建置沿革戶口桑麻欲按牒而嚮往其間則蒼茫無所問途嘻密之文獻若此其謂之何迨蒞茲土鯁鯁然欲補其典之缺第不佞鮮吏才案牘旁午日逐逐未有暇更兼不文之爲累是以倏議倏罷竟爾闕如嘻余於是慮文獻之終不足也及再閱歲殫力拮据庶役次第就緒余始獲竟累之閑而忙亦相安於余之拙邑中三五老更復聚族請曰使君治密而密治獨不能志密之治使後之治密者以志治治密乎余循循謝不敏然亦津津乎欣與

高密縣志

卷之首

唐序

一

青島膠東書社承印

雅志合也輒慨然肩其事又虞林錯難總彰痺難決煩簡難裁罔克堪厥任謀之廣文先生董君希清敦司訓之博古者林君華魯董焉開館設局延諸生之美秀而文者李子朝選閻子啓元李子應科夏子士譽李子先成相與編摩揚扈余亦於退食之暇躬爲讎校大都其爲志也已事方之原本更參以郡志攷以齊乘通志二十一史諸書其歲時變易昔無今有此是彼非者不嫌斷以新裁叙事寧詳而核摛詞甯簡而當補遺期於有據正訛期於覈實信信疑疑期乎可傳而止自地理以迄藝文總計之其類爲十條分之其目五十有九凡有關於境土民風者靡不釐然具載嘻有是編也密之文獻其足徵矣乎茲役也越五十年而始舉舉浹旬

而聿新藁甫脫駸駸與師儒謀爲殺青而朝家轉蜀之命下矣余方畏簡書戒行不遑處邑中老更復亟亟請余簡其首余曰志史類也昔人謂作史者必擅三長不佞無一焉敢擬作者茲不過紀已往之得失爲將來之勸戒俾後之治密者一按牒而知某事足令人勸某事足令人監於以嘉惠一方於有永斯固其作志意也嘻余行矣繼余蒞茲土者余不及告以政倘不以余言爲土苴而問途於是編卽不敢謂爲適治之路庶幾不類余之苦於蒼茫云爲之序以俟時萬歷乙巳春高密縣知縣洛水唐允中撰

高密縣志

卷之首

唐序

二

青島膠東書社承印

前志舊序

夫志記也徵往蹟撥遺芳洵鉅典哉密舊有志嘉靖中定山陳公  
令是邑修之迄今五十餘禩浸以殘缺失傳致山川隱曜人物埋  
眞宦蹟節孝先後總歸堙圯往令議修議罷竟同築室此志遂爲  
缺典不佞承乏茲庠視學宮就圯每爲喟歎及發櫝而窺典籍放  
逸邑乘寥寥無稽輒吁焉有作者之思是時乃唐公蒞政之期也  
竊見其政舉廢興犖犖多異蹟而尤雅意文學不佞心私喜之每  
語諸士曰舉密曠典者是其人歟無何鳩工於泮以圖葺治未週  
星制度煥然且多增置釐正創古未有事竣進不佞於庭津津然  
謀修邑志以垂不朽不佞承公盛心爲之遴青衿之俊者以弼厥  
高密縣志

卷之首

董序

青島膠東書社承印

謹跋

前志舊序

夫志匪獨記事維風教振人心信今傳後邑之志猶國之史也密雖山河如故風景不殊而時移事改月易而歲不同則得失殊歸也虛實異據也今昔有無態狀又遞遷變幻靡常也志之更新也夫豈緩圖但前者虞剏虞費旋議修旋又議罷蓋築舍道傍矣孰有如邑侯唐公舉五十年來之闕典一旦剏修也哉公殫精政治百廢聿新復慨然嘉意於志揀能文之士得五人又不鄙僕寡昧謬司敦事帙成將梓適公以王命榮遷慮事之未竣也卽捐俸帑付剏剏氏以壽其傳首序出公手裁文藻洋洋纒纒綱領條目已詳哉言之矣僕何容贅第以忝與志事敢無言於簡末竊惟志豈

高密縣志

卷之首

林序

一

青島膠東書社承印

易易剏字繪句務工色澤則葉龍之好也拾唾掇吻致無完膚則效顰之誚也玉石相糅漫無抉擇則墨之絲而朱之路也有此三者殆無完志矣茲志雖不敢謂擷精漱潤登作壇軼上乘然芟蔓就簡補遺正訛文不詭備不侈實不爽庶幾哉無貌言耳食寡前三者之弊與蓋劔不必干將期於剏剏樂不必廣陵期於導和志不必炫奇期於率真真則信信則傳傳則可維風教而振人心后有作者藉以考鏡孰非更新之功哉噫志脫藁僕與諸生肩之而剏體命意諄諄乎愛民造士保良禁暴思進之古登之邛隆又公惠密之盛心也公之政蹟業已聲諸歌咏而頌傳不朽者有此志存也嘗聞戎鏡包陽當日而矚之能舉燧興火處幽而視之何異

一規之幽銅密人士鏡志會意相與祓濯共耀於光明期不負公  
修志美意毋徒曰此亦一志也而幽銅目之又侯所厚望而倍幸  
者時萬歷乙巳春訓導東黃林華魯謹跋

高密縣志

卷之首

林序

二

青島膠東書社承印

前志舊序

邑乘者圖籍之所取資也別貞淫昭勸戒以資史官之採擇蓋其重也浩自乙酉秋承乏高陽將欲勉竭駑駘以効職事顧未悉一方之民風土俗因革利病詎可以爲治於是訪覓舊志久之得一册帙不盈寸自萬歷乙巳邑宰唐允中修輯而後迄今百餘年中間數更兵燹文獻無徵邑宰陳淳輯有志藁未付棗梨今時移勢易戶口不無登耗建置不無變更風俗之盛衰人物之興廢非增輯之其何以垂後固宜朝至而夕圖之乃必越四年而始克從事者非敢緩也方浩之蒞密也適丁饑饉洊臻之後田卒污萊流離載道勢未暇及邇來辟荒蕪集流亡紀綱粗定始得以簿書餘暇稍親筆墨會廣文袁君嗣烈江君爲霖不辭珥筆之請更集邑之縉紳更老及俊髦之士取舊志而增訂之刪其煩複正其亥豕網羅放失窮極搜討浩自公之餘復加修飾四閱月而書成焉仍其舊事倍於前而詳慎尤至焉第愧身陋無文不足以鼓吹休明然於山川阨塞謠俗好惡制度興廢備載無遺以備採擇使殘疆瘠土鋒鏑遺黎共慶階平且俾後之司牧者覩其往轍匡其不逮與含哺鼓腹之民永遊仁壽之域是浩之素願也夫時康熙四十九年庚寅相月之吉高密縣知縣會稽張浩書

前志舊序

一代之興必有一代之史史者志之大成也昔太史採風輶軒列國凡土地之廣狹風俗之淳薄人物之盛衰悉登於朝彙而輯之曰史迨後採風無聞作史者則惟志書是賴是故省有省志府有府志縣有縣志書雖不同而其所以黼黻聖治潤色鴻猷之意則一也密邑舊稱盛地古蹟累累名賢卓卓不可勝紀然初志于邑侯之唐公允中再志于邑侯之張公浩歷今四十年餘建置不無變更時事不無移易第於斷簡殘編之中欲觀風土人物之全蓋亦難矣余故自仲秋承乏以來卽以邑乘爲問而邑之紳士遂挾其前任錢公廷熊之舊稿請質于余余于簿書餘暇閱其卷帙凡若干卷其於山川阨塞謠俗好惡制度廢興無不備載每歎錢公之雅意搜羅表揚先哲殆與余有同心歟爰付梓人命之速就歷五越月餘始克成書其間修明探討余雖不敢擅錢公之長而發凡起例參互考訂余竊與有力焉是書之成也他時採實錄以貢天子徵文獻以修國史已往之名人古蹟不至湮沒而不彰後之薦紳士庶覽其風土考其人物亦可油然而思奮庶幾蒞斯土者優游治理坐登仁壽得與大邦人文蔚起之後附循良之末以並垂不朽也是則余之厚幸也夫時清乾隆十有八年歲次癸酉冬至後一日山東萊州府高密縣知縣古皮張乃史書

前志舊序

邑之有志也何取乎志土田也志賦役也志民風與沿革興廢也故土之黑黃墳壤賦之上下重輕俗之貞淫奢儉與夫歷代之因革損益胥於是乎稽之使覘國者採之輶軒足以識淳漓守土者考之舊章足以昭法守鏡得失雖有奸胥猾吏不得上下其手皆於此取裁焉昔班固譏司馬長卿浮華之詞不周於用然則君子之有作也固將以期有用豈第如王武子孫荆公徒誇其土地人物之美已哉密故有志自康熙庚寅會稽張公續修之後迄今四十餘年其間滄桑更變因革異宜者不可勝紀如膠河東徙十餘里五龍河西徙數里百脉湖昔爲巨浸今且成沃壤焉他如丁銀

高密縣志

卷之首

錢序

青島膠東書社承印

均於地糧衛屯省入縣籍其條編則例悉非舊觀又如舊制民間田宅貿易輸稅例用司尾貢賦更易本名當該吏任事者每名給百錢直紙筆酬勞動而已誰作之備司尾每頁六百改撥戶名每稅畝索錢十按畝加增不爽毫釐往往吏胥需索浮於正供以致稅額虧缺賦役混淆蠹國病民莫此爲甚聞近奉文禁革是尤弊所當革宜著爲令典壽之梨棗以昭示來茲者也余濫竽密者幾七年初受篆卽有志於斯值歲祲不登者數年日與鵠面鳩形之民爲之集流亡謀艱食之不暇曷暇及此壬申秋歲薄收爰進邑中士大夫而謀之或任採訪或司纂輯或釀金鳩工余乃得受成事焉未及授梓謬蒙上憲獎藉量移巨邑深以不獲終事爲憾甲

成春工既訖叨郵函索序余曰嘻是役也諸君子分任之所不至  
資緣請託顛錯是非以違公論遺首事之愆者則諸君子之賜也  
至於斟酌損益無遺無缺不蔓不支則渤海張公東里子也潤色  
之力居多焉余曷敢尸厥功爰因來使走筆而應之以代手復云  
爾乾隆十九年歲次甲戌三月上巳曹州府荷澤縣知縣前高密  
縣知縣姑蘇錢廷熊撰

高密縣志

卷之首

錢序

二

青島膠東書社承印

前志序

余自束髮時卽耳洛水唐公古皮張公名其學行治績矜式於鄉  
余去二公居最近故聞之甚悉及筮仕山左得高密二公舊治也  
俗樸人文殆猶有遺教存焉下車後披閱邑志知唐公創於始張  
公承於終者計余隸事時去張公又百餘年矣其間陵谷變遷人  
文輩出湮沒而不彰者何可勝計每思續志之以繼二公後而檄  
調以去不果行今皇上御極之十有五年四夷就撫民物滋豐前  
中丞勤果張公以重修山東通志入告奉旨俞允因檄各屬將原  
志彙呈並將未續事實諮訪繕進以備採錄余方謀纂續又以檄  
調去接篆者閩中羅君邦彥也涖政之始卽以邑志爲務進邑中

高密縣志

卷之首

鄒序

一

青島膠東書社承印

文士分採訪纂修諸任並延紳董籌捐經費提調手民事未竟羅  
君亦去余不敏復涖茲邑方懼隕越以爲唐張二公差又何敢以  
文墨之事從其後耶雖然有司之責首重表揚邑人士旣以筆削  
歸余余亦義不容諉抑余尤有難焉者邑之田賦山川備詳前志  
無庸異議獨此百餘年來水道之變更人物之出處與夫節義文  
章之顯晦非廣搜博探確實不浮必有非遺則濫之弊今幸徵文  
考獻確有憑依此邦之光守土者亦與有榮施矣余譫陋無文不  
敢與唐張二公並傳略弁數語聊以識余私淑之意云爾

光緒二十一年歲次乙未前知高密縣事堂陽鄭繼修序

前志序

高密古大禹所封國也春秋爲萊之濰夷晏子實生焉故其間忠臣烈士孝子悌弟義夫貞婦接踵而起秦屬齊東境韓信襲破齊齊王引兵東走高密卽其地也漢宣時爲高密國晉初改屬城陽郡惠帝元康間又分爲高密國南北朝屬高密郡唐宋以來屬密州明隸萊州府我朝因之是高密之名之由來久矣今天子紀元之二十有一年乙未秋費子捧檄宰高密入其境南挹九嶺之秀北瞰古城之雄東臨膠河觀其水則朝宗於海也西過鄭公鄉康成先生故里在焉是文獻之區也其流風餘韻問猶有存焉者乎鄉老告余曰自某之生於斯也俗無徭役之騷騷地無商賈之輻

高密縣志

卷之首

傳序

青島膠東書社承印

輶冠蓋罕至僕馬鮮經士樂絃誦民安耕鑿其荐紳先生亦大都愛惜名節者居多惟是兵燹以後元氣未復近復海疆甫定伏莽未除爲可憂耳其他非所知也余聞之曰噫吁嘻察下民疾苦與之休息而因利利之牧民之責也體不欲不竊之意以馴致乎路不拾遺夜不閉戶是亦守土者分內事也於是兢兢求理不敢自逸會邑諸紳以修志請余不敏以簿書未遑辭其次年春又來請並進採訪册若干本謂是舊令尹鄭君繼修命邦人士所搜羅而得者其時治稍暇受而閱之見自乾隆癸酉起迄今百數十年來典禮之因革陵谷之變遷人物之代興風俗之好尚與夫禎祥恠異之徵應兵戈水旱之迭更莫不備具因思古之人足跡所經往

往問其地之俗與事與人與物筆之書以作一家紀載况此名邦志乘其所以激發謠俗昭茲來許者實非淺鮮爰與廣文先生劉君之珍李君蔭漳暨邑諸紳證諸舊志續以新編並延訪高才生十人詳加訂校閱五月而書成因弁數語以誌其緣起云

光緒二十有二年歲次丙申端陽後十日署高密縣知縣蕭山傅賚予撰

高密縣志

卷之首

傅序

二

青島膠東書社承印

舊志跋

志史類也藩省郡縣在在有之以記時事詳因革他時採實錄以貢天子徵文獻以纂國史將於是乎取之倘浮誕失實詞藻雖工而無徵不信奚以志爲吾邑雖有舊志殘缺久矣邑侯張公慨然以爲已任偕廣文先生袁公江公共勦其事密志自此有成書矣粵考密志修於明邑侯唐公時則萬歷乙巳年也邑庠李君公聘閻君泰一諸先輩虛心採輯以告厥成至本朝康熙壬子邑乘缺如周侯曾續補之及甲子陳侯又採訪增輯孝廉李君揚先進士王君敬修廩膳王君鈍夫儀君作霖諸先生加意訂正藁脫未鐫周侯以丁艱去陳侯又以超擢去適先大人薄宦粵東予告回籍錄其藁以資披閱今且二十餘載矣茲張公聞所聞而索之爰出所藏以獻珥筆者得是藁而增之評之更之定之以數十年未成之書一朝告竣謂非密邑之厚幸乎昔紫陽朱子出守南康甫下車卽以郡志爲問論者高之蓋謂其知當務之急也今張公汲汲於是非道同志合而知當務之爲急者能如是乎自茲以往當事者心張公之心推類而續之則是志將傳之千萬世而不敝也其於風化豈小補哉

康熙四十九年歲次庚寅皋月之吉邑後學張廷傳謹跋

書重修高密志後

錢邑侯治密之五年荒政畢而文教興開館延邑之紳士修輯邑乘爲全書屬余從事於其間余以久病荒廢辭維時領其事者皆一時文望朝夕赴館中相與討論編纂而錢侯亦復時至談讌披閱而裁定之甚盛舉也其後錢侯以擢遷去共事諸君子亦或以事散之四方居者或又以疾退珥筆者蓋僅有人焉余旣感錢侯之意又值此諸子離羣而索處恐志書之不就雖以疾不預志館事猶時時從單子子明氏借其志藁讀之間共論說期於卒業今幸工竣裝成卷帙復取看詳見其覈事詳確選辭雅潔駸駸乎躋古良史氏之林矣喜志書之成而深嘉錢侯之得人故備爲書之至諸子名氏已載凡例不具錄